



Enggan gangsa lagi

■ **Natasha mahu pastikan emas menjadi miliknya**

Saiful Affendy Sapran

saifulaffendy@hmetro.com.my

Kuala Lumpur

Atlet lawan pedang negara Natasha Ezzra Abu Bakar (gambar) mahu memastikan emas menjadi miliknya menerusi penampilan keempatnya pada temasya dwi-tahunan itu.

Sepanjang penampilan tiga edisi lalu, pencapaian terbaik atlet kelahiran Johor itu adalah sekadar gangsa di Jakarta 2011.

Namun dengan penampilan beraksi di halaman sendiri, Natasha amat berharap impian untuk mengucup emas dapat dipenuhi.

"Kalau bercakap mengenai sasaran, semua atlet pastinya mempunyai impian untuk memenangi emas, be-

gitu juga saya.

"Tapi saya tidak mahu meletakkan tekanan ke atas diri sendiri.

"Sebab jika terlalu tertekan dan takut, ia hanya akan memberi impak negatif kepada diri sendiri. Jadi lebih baik saya lebih tenang dan fokus terhadap persiapan diri sendiri," katanya yang akan beraksi menerusi acara foil.

Natasha berkata, setakat ini segala persiapan berjalan lancar dan dia juga sudah bersedia sepenuhnya.

"Kami sudah menjalani latihan di venue baru (MITEC) dan nampaknya segala-galanya agak baik.

"Harap saya dapat melakan yang terbaik kerana akan turun pada hari pertama acara lawan pedang pada 21 Ogos ini.

"Kalau boleh saya tak mahu mengecewakan penyokong yang datang," katanya.



FOKUS SUKAN SEA 2017



SUKAN SEA KE-29
SUKAN PARA ASEAN KE-9

LAWAN PEDANG



TARIKH
21 - 23 Ogos 2017
(lawan pedang)

GELANGGANG
Dewan 6 MITEC

PINGAT DITAWARKAN
6 emas

SASARAN
**Lawan pedang
1 emas**

PENCAPAIAN 2015
2 gangsa

ATLET TUMPUAN

Lawan pedang bukan acara yang menjadi tumpuan tetapi sukan ini secara berperingkat menunjukkan peningkatan dengan adanya wakil beraksi di Sukan Olimpik Yu Peng Kean.

Di Singapura dua tahun lalu, lawan pedang hanya mampu meraih dua gangsa. Kali ini, peluang memenangi emas dilihat agak cerah menerusi atlet berpengalaman Natasha Ezzra Abu Bakar yang membuat penampilan keempat di temasya dwi-tahunan itu.

Antara prospek lain ialah Joshua Koh. Untuk memenuhi sasaran itu, mereka perlu menembusi tembok Asia Tenggara terutama Vietnam yang menyapu lapan emas di Singapura sekali gus muncul juara keseluruhan lawan pedang. Cabaran dari Singapura dan Thailand juga tidak boleh dipandang mudah.

